



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SETSWANA PUO YA GAE (HL)**

**PAMPIRI YA NTLHA (P1)**

**MOTSHEGANONG/SEETEBOSIGO 2024**

**KAEDI YA GO TSHWAYA**

**MADUO: 70**

**Kaedi e ya go tshwaya, e na le ditsebe di le 7.**

**KAROLO YA A: TEKATLHALOGANYO****Mokgwa wa go tshwaya Tekatlhaloganyo**

- Motlhatlhojwa a se sokelwe dirope fa dikarabo di na le mopeleto o o fosagetseng le diphoso tsa puo ntle le fa diphoso tseo di fetola bokao gonne go tobilwe go tlhaloganya. (Diphoso di nne di supiwela.)
- Fa motlhatlhojwa a dirisa mafoko a puo esele, ikgatholose mafoko ao, mme fa karabo e santse e tlhaloganyega, o se ka wa mo jela maduo. Fela, lefoko le le tswang mo puong esele le a amogelesega fa le dirisitswe mo setlhangweng e bile le tlhokega mo karabong.
- Mo dipotsong tse di bulegileng, dikarabo tsa EE/NNYAYA kgotsa KE A DUMELA/GA KE DUMELANE di se abelwe maduo. Lebaka/Tshegetso ke yona e e tshwanetseng go tsewa tsia.
- NNETE/FOSAGETSE kgotsa NTLHA/KAKANYO e se abelwe leduo lepe. Lebaka/Tshegetso ke yona e e tshwanetseng go tsewa tsia.
- Fa go tlhokega karabo ya lefoko le le lengwe, mme motlhatlhojwa a neetse polelo yotlhe, mo tshwae ka nepagalo fa e le gore lefoko le le nepagetseng le thaletswe/le ntshofaditswe.
- Fa go tlhokiwa dintlha di le pedi/tharo, mme go tlhagisitswe tse dintsi, go tshwaiwe fela tse pedi/tharo tsa ntlha.
- Amogela dipharologano tsa diteme.
- Mo dipotsong tse go tlhophiwang karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e e kwadilweng ka botlalo.

**POTSO 1**

1.1	1.1.1	C/Ngwetsi.	(1)
	1.1.2	Go tlhatlhela dipotsane.	(1)
	1.1.3	Ke Keneilwe le MmaLetsapa. (Ela tlhoko kamano/kgolagano ya baanelwa ba.)	(2)
	1.1.4	Dingwaga di le tharo (3).	(1)
	1.1.5	'Ruri ditlogolo di a tlhokega'.	(2)
	1.1.6	O kaya gore mosadi o tshwanetse go ipontsha gore ke mosadi ka go ima le go nna le ngwana.	(2)
	1.1.7	Ke ntlha, gonne o ne a dira kwa Tlhabane mme a tla gae bofelo jwa beke nngwe le nngwe.	(2)
	1.1.8	Nnyaya ga go a siama gonne go nna le ngwetsi mo lapeng ga go reye gore bana ba basetsana ba legae ba se tlhole ba dira/ba se thuse ka gope. (Dikarabo tsa batlhatlhojwa tse di nepagetseng di elwe tlhoko).	(2)

- 1.1.9 Ke ne ke tlaa bua le/gakolola mme gore a se tshwenye kgotsa a se kgokgontse ngwetsi ya gagwe ka e le ngwana wa mo lapeng/Ke ne ke tlaa buisana le ena gore itse gore bothata kgotsa matsapa di a tsaya kae magareng ga gagwe le mme/Ke tlaa batlela kgotsa agela molekane wa me bodulo.  
(Dikarabo tsa batlhatlhojwa tse di nepagetseng di elwe tlhoko). (2)
- 1.1.10 O ne a sa batle go tsosa batho ba ba robetseng/O ne a sa batle go utlwiwa mme a tloge a utlwise mogatse botlhoko ka dikarabo tsa gagwe. (2)
- 1.1.11 Lekgela. (2)
- 1.1.12 Ke teye/ditlhatlhego. (1)
- 1.1.13 Tenego/Tshakgalo/Kutlobotlhoko. Ka ntlha ya gore botshelo ba ga Kedibone bo sa iketla/bo sa itumedise/bo se na kagiso/Kedibone ga a tsholega sentle/MmaLetsapa ga a na kagiso le Kedibone/MmaLetsapa ga a age lelapa la ngwana wa gagwe. (2)
- 1.1.14 Kedibone ga a ka a nna fa thoko ga mogatse gore ba tseye dikgang jaaka gale/Kedibone o mo neile mogodungwana a bo a tsamaya mme seo e ne e se tlwaelo ya gagwe. (2)
- 1.2 1.2.1 Mo go SETLHANGWA A, ga go na bana mo lelapeng√ fa mo go SETLHANGWA B go na le bana mo lelapeng√.
- Mo go SETLHANGWA A, lelapa ga le bontshe boitumelo√ fa mo go SETLHANGWA B lelapa le bontsha boitumelo.√
- Mo go SETLHANGWA A, ngwetsi e dula le mogatse, matsale le mogadibo√ fa mo go SETLHANGWA B, monna le mosadi ba nna le bana ba bona.
- Mo go SETLHANGWA A, monna o nwa mogodungwana√ fa mo go SETLHANGWA B monna le lelapa ba a ja√. (4)
- 1.2.2 Ee. Ke ne ke ka itumelela go nna kwa go lona gonne e le lelapa la kamano e e phuthologileng/renang lerato, kagiso le boitumelo/Ga go bontshe go na le ba ba ngongoregelang ba bangwe. (2)

**PALOGOTLHE YA KAROLO YA A: 30**

**KAROLO YA B: TSHOBOKANYO****Mokgwa wa go tshwaya Tshobokanyo:**

Tshobokanyo e tshwanetse go tshwaiwa ka mokgwa o o latelang:

- **Kabo ya maduo**
  - Maduo a le 7 a dintlha di le 7
  - Maduo a le 3 a puo
  - Palogotlhe: 10
- **Kabo ya maduo a puo fa motlhatlhojwa a dirisitse mafoko a gagwe:**
  - Leduo le le 1 = Fa motlhatlhojwa a nepile dintlha di le 1–3
  - Maduo a le 2 = Fa motlhatlhojwa a nepile dintlha di le 4–5
  - Maduo a le 3 = Fa motlhatlhojwa a nepile dintlha di le 6–7
- **Kabo ya maduo a puo fa motlhatlhojwa a nopotse: (Fano re lebeletse motlhatlhojwa yo o kgonneng go neela dintlha di le supa.)**
  - Lefela (0) = Fa motlhatlhojwa a nopotse dintlha di le 7.
  - Leduo le le 1 = Fa motlhatlhojwa a nopotse dintlha di le 4-6
  - Maduo a le 2 = Fa motlhatlhojwa a nopotse dintlha di le 2–3.

**ELA TLHOKO:**

- **Palo ya mafoko**
  - Batshwai ba tshwanetse go netefatsa palo ya mafoko a a dirisitsweng.
  - A motlhatlhojwa a se jelwe maduo fa a sa tlhagisa palo e e solofetsweng kgotsa fa palo ya mafoko a a dirisitsweng e fosagetse. Fa a fetile palo ya mafoko a a lekanyeditsweng, bala go fitlha ka polelo ya bofelo e e tlang morago ga tekanyetso, mme o ikgatholose karolo e e setseng ya tshobokanyo.
  - Ditshobokanyo tse dikhutshwane, mme di na le dintlhakgolo tsotlhe tse di tlhokegang **di se ka tsa** sokelwa dirope.

**POTSO 2**

	<b>Dinopolo</b>		<b>Mafoko a a tshikintsweng</b>
1	'Fa o isa sejanaga go ya go thulwa (khenekhiwa), itse dikilomitara tse di se tsamaileng le dinomoropolata tsa sona sentle.'	1	Itse/Tlhokomela dikilomitara le dinomoropolata fa o tlogela sejanaga go thulwa.
2	'O totobatse sengwe le sengwe se o batlang bathudi(bomakhenekhe) ba se lebelela.'	2	Tlhalosa tsotlhe tse o batlang gore di thulwe.
3	'Fa o isa sejanaga sa gago go thulwa (khenekhiwa), ba kope go go itsise gore se tlaa tlhoka bokae mme le dumelane ka dituelo pele o se tlogela.'	3	Kopa gore ba go bolelele gore o tlile go duela bokae le gone lo tlhaloganyane.
4	'Tlhaloganyanang le go dumalana gore tirelo e tlaa tsaya nako e kae.'	4	Itse gore se ya go nna nako e kanakang.

5	'Go fokotsa dingangisano, se potologe mme o tseye ditshwantsho go netefatsa fa se se na mengapo kana go kobega.'	5	Tila dikgogakgogano ka go tlhatlhoba le go tsaya ditshwantsho tsa sejanaga.
6	'Itse seelo sa lookwane fa o tlogela sejanaga sa gago.'	6	Netefatsa gore o tlogetse lookwane lo lo kae.
7	'Tlosa dilo tsa gago tsa botlhokwa go tsenyeletsa leotwana la tshoganyetso, dithudi, dikgwama le dingwe.'	7	Ntsha dilwana tsotlhe tsa botlhokwa mo sejanageng.

Itse/Tlhokomela dikilomitara le dinomopolata fa o tlogela sejanaga go thulwa.√  
 Tlhalosa tsotlhe tse o batlang gore di thulwe.√ Kopa gore ba go bolelele gore o tlile go duela bokae le gone lo tlhaloganyane.√ Itse gore se ya go nna nako e kanakang.√ Tila dikgogakgogano ka go tlhatlhoba le go tsaya ditshwantsho tsa sejanaga.√ Netefatsa gore o tlogetse lookwane lo lo kae.√ Ntsha dilwana tsotlhe tsa botlhokwa mo sejanageng.√

Palo ya mafoko = 68 **[10]**

**PALOGOTLHE YA KAROLO YA B: 10**

**KAROLO YA C: DIPOPEGO TSA PUO LE MELAWANA YA TIRISO YA PUO****Mokgwa wa go tshwaya Karolo C**

- Mopeleto:
  - Karabo ya lefoko le le lengwe e abelwe leduo le fa mopeleto o fosagetse ntle fela le fa phoso e fetola bokao jwa lefoko.
  - Fa dikarabo e le dipolelo tse di tletseng, mopeleto o o fosagetseng o sokelwe dirope fa phoso e le mo ponagalong ya puo e e tlhatlhobiwang.
  - Fa go tlhatlhobiwa dikhutshwafatso, karabo e tshwanetse go nna le matshwao a puiso a a nepagetseng.
- Dipopego tsa polelo di tshwanetse go latela melawana ya dipopego tsa puo ka nepagalo di bo di tlhagisiwe ka dipolelo tse di tletseng/go latela taelo.
- Mo dipotsong tse go tlhophiwa karabo e e nepagetseng mo go tsona, amogela tlhaka e e nyalanang le karabo e e nepagetseng LE/KGOTSA karabo e e kwadilweng ka botlalo.

**POTSO 3**

- 3.1 C/meno. (1)
- 3.2 75ml/dimililitara di le masome a supa le botlhano. (1)
- 3.3 Batho ba ba dirisang/ba ba ratang *Aquafresh*/botlhe ba ba tlhokang sesepa sa go tlhapa meno.  
(Dikarabo tsa batlhatlhojwa tse di nepagetseng di elwe tlhoko). (1)
- 3.4 Bophepa jo bo tseneletseng!/Tlhokomelo e e feletseng. (1)
- 3.5 Ija! (1)
- 3.6 Tlhokomelo e e sa felelang. (1)
- 3.7 Ditlhwatlhwatlase/go fokodiwa ga tlhwatlhwa ka go bona di le pedi ka R38. (2)
- 3.8 Ee. Leina la lebenkele le le rekisang kuno le a tlhagelela mo papatsong.  
Nnyaya. Ga go na tshedimosetso ya dinomoro tsa mogala/imeili/webosaete/aterese ya lebenkele. (2)
- [10]**

**POTSO 4**

- 4.1 D/Go tlhokega ga dikago tsa dikolo. (1)
- 4.2 Maikutlo a tenego/go ngala/go tshoga. (2)
- 4.3 Mophato o o kwa tlase/Mophato wa 1/2/3. Ba lebega ba sa le bannye/ba santse ba rutiwa a, e, i, o, u/1, 2, 3, 4, 5 go fitlha go 10/Mosimane yo go buiwang le ena o bontsha a ise a tlwaele sekolo. (2)

- 4.4 Modirisotaelo. (1)
- 4.5 Thui. (1)
- 4.6 Pudula ya go akanya/nagana. (1)
- 4.7 Ee. Ga go tshwane le fa barutwana ba ntse kwa gae ba sa rutiwe.  
Nnyaya. Ga se lefelo le le maleba la go ithuta le go rutiwa/ga le a babalesega/  
sireletsega.  
(Dikarabo tsa batlhatlhojwa tse di nepagetseng di elwe tlhoko). (2)  
**[10]**

**POTSO 5**

- 5.1 Go tshegofaditswe mogaetsho. (2)
- 5.2 Leinaletswa. (1)
- 5.3 Leetsi. (1)
- 5.4 Thusana. Batho ba tshwanetse go thusana fa ba na le mathata. (2)
- 5.5 Kwa ntle/fa godimo (1)
- 5.6 Malome o tlaa fitlha ka kgomo motshegare/Ba tlaa fitlha moswi wa bona ka moso. (2)
- 5.7 Thekisi le yona e ne e tlaa totomela. (1)  
**[10]**

**PALOGOTLHE YA KAROLO YA C: 30**  
**PALOGOTLHE YA TLHATLHOBO: 70**